

OKICIUWASTEPI CANKU ETKIYA WOKAGE



WANIYETU WANZI WOIHUNI WOYAKAPI

WAUSTANPI WAECON UPTECEDA OWAPI

UWIYA OWAP KIN HE

MANITOBA IKCE WICASTA OKICIUWASTEPI WOWAPI KAHKIYAPI

KIKTOPAWANGE NUM Sumpa WIKCEMNA TOPA / WIKCEMNA ZAPTAN (2024/25)

Waustanpi Upteceda Oyakapi: Manitoba Imahed Okiciuwastepi Canku Etkiya, Kiktopawange Num Sum Topa- Zaptan (2024-2025)

Okiciuwastepi Canku Wokage kin he taku abdezap kin he Manitoba makakasse makace kin he ikce wicasta oyate sakowin (Dakota, Sni Wicasta, Hahatonwi, Saiya, Hahatonwi-Saiya, Unspa Wasicu nakun Waziyata Sni Wicasta) makoce makokaspe tawapi akan opiiciyap kin hed Manitoba makokaspe kaagapi. Wokage kin he nakun sumpa taku abdezap kin he, hekta makokaspe kin de icub hetanhan unpetu kin dehanya makokaspe wasicu awanyangkapkin hena ikce wicasta Sakowin ob opiiciyapi, oyate kin hena owicohan uhapkin hena unspepi nakun oyate kin hena ob wowapi tanpi, koyehan kice wicasta Unci Makoce opta wasagya naziba oyate owas taku iwastepta taku nina ota wawokiyapi, tka hecun wicasta unpetu kin dehanya iyotiyawicakiyapi, wosice ota ahdiwewicayapi, Nakun nihunh wosicekin hena inazisni. Wokage wowapi otokaheya woonspe ohutkan etanhan ecupkin he Uecetupte (CTA) wowapi Wowicake nakun Okiciuwastepi Waecunkiyapi (TRC) kagapi, Ikce wicasta wowasake uhapkin he Oyate Uokiwanzida Nanzipi Wayaotanpi hed owapi (UNDRIP) nakun Ikce Winyan nakun Wikoske mawicanupi nakun unge wicaktepi (MMIWG). Uecetupte (CTA) wowapi kin he wokicunzi toked wicakehan owotanna ike wicasta wasicu ohokceda waecunpta aowicekiyekte un kagapi. Tokatakiya ikce wicasta wasicu wacinkiciya manipte, hekta woustanki hena uecetupte, wookizi kuuwapte nakun tukte ohan oyate akiyeced kicicuwapta kuwapte. Woowotanna ohdakapkin de ed okise wansi waniyetu wanzi ca okiciuwastepi Manitoba ed awaecunpkin hena ahdakapta ustanpi.

Wooyake wowapikin de Manitoba Oitacan taku wokuwa Maga Okada Wi Anpetu tokaha (April 1) kiktopawange num sum wikcemna num sum topa (2024), Ista Wicayazan Wi wikcemna yamni sum wanzi (March 31) kiktopawange num sum wikemna num sum zaptan (2025), hed otaheda ustanpkin hena oyakapi. Manitoba Ikce Wicasta Okiciuwastepi Wowapi Kagh Kiyapi kin owokuwa kin hena upeteceda owas ded owa, Okiciuwastepi Canku Etkiya Waniyetu Wanzi Tohanya Woustan Wooyake iwikcemna.

Cawapa Gi Wi Waniyetu Kiktopawange num sum wikcemna num sum yamni kin hetanhan, Manitoba Ikce Wicasta Oyate ob waecunpi hduotecapta icicunzapi, Oyate Oitacan num okciya taku nupin owastepe hena patokbya ahtanipta icicunzapi. Taku tob Oyate kaga kin he, makoce, oyate oihduhe, oyate iapi, ikce wicasta/winyan hena. Manitoba tukte ohna Ikce Wicasta Oyate wicauwaskapta taku topa kin dena uha waecunpi, tukte ohna Oyate Oitacan sakib tanyan ohokcida, okodakiciya htanipta kuwapi wooyake kin de taku topa kin hena eciutan owapi.

Ikce wicasta oyate oihduhe, oyate woawanyanke, wozani hena uhapte kin han, makoce kin he otokaheya. Waniyetu kiktowawange num sum wikcemna num sum topa/wikcemna num sum zaptan (2024/25), Manitoba oitacan Ikce Wicasta ob okciya woute iyenakcakta ihnipi, okciya makata taku wowacinye kin hena ihinipi, nakun wokamna kagaba, iyopeyapte kuwapi, nakun makoce woawanyanke kin he. Woecon, Maza Okapi, Wopetonpi nakun Wicohan Kagapi Ospaye kin Maza Okapi, Oteheke Wokuwa kin hetkiya nina taku ota ustanpi, Ikce Wicasta Oyate ob akiyeced, ohokcida waeconpi, nakun ikce wicasta oyate ob taku owas tayan iwondakapta heced hdustanpi, nakun Waziya Makoce Sni Wicasta Oyate kin hena eza aope wicayapta hdustanpi. Sanpa nakun, ikce wicasta makoce woawayanke wicakcupa wokuwa kin he nina kuwapi. Manitoba Ikce Wicasta Oyate kin nina ota wazyata kiya tipi hece tuke iza wazyata oyanke kin hetkiya wowidake uhapta kuwapi. Wazyata lhanke Tiopa Oka Obe (AGG) eyapi hed ohna wokicanye ota wokicun kagapi, naku Manitoba wazyata kiya ope wicakeyapi, nakun Ikce Wicasta Otokaheya Wipuspe Wakpo Minihdhe Awanyankapi Oiute (ISRWIPA) woiukcan kin he iopteyapte.

Ikce wicasta oyate oihduhe kin cante ta sutaya hduzapi he un kewasakapi, iapi nakun oyanke iuwasake. Waniyetu kiktowawange num sum topa/wikcemna num sum zaptan (2024/25) Manitoba oihduhe hdukiinipta aowicakiyapi, oyate wokage wicakcipazopi, oihduhe hunka aihpewecayap kin hena awanwicakciyakapi, nakun oyanke wozani ki hena. Gigitanka Wica Unpi Apetu Womnye kin he usutay kagapi nakun oyanke ta ikce wicasta woskan kin hena uonihan aowicakiyap, wouonihan, wozani hena owanka wicakcagapi. Sumpa nakun taku patokaya ayob he Woope ga Tiwahe Waeconmp kin hena wasagya ikce wicasta oitacan ikce wicasta oyanke, ikce wicasta tiwahe ob wondakapi, ob waeconpi. Toka ake akicita, tiwahe kin hena ikce wicasta iye awandakapta ahtanipi, ka han toktakiya ake tayan unpte. Dena wokuwa kin ikce wicasta ake ewicauwasakapte heced makakaspe ed unyakumkin ahtanipi.

Ikce wicasta iap kin he katiyan oyate toked woksape woiukcan, tuke oyate etanhapi he un oicihdakapi nakun toked wowanyankab hena un tain. Kiktowawange num sum wikcemna topo/wikcemna zaptan (2024/25), Manitoba Ikce Wicasta Okiciuwastepi Wowapi Kahkiya Tipi kin he lapi Tipi wan kagapi, Manitoba Ikce Wicasta lapi awayankapte nakun uwantan uzapte, nakun Hansard wowapi wan ahipi Ikce wicasta lapi uiyeskya owapta. Wowapi kin he wowepi ota un uiyeskya owapta. Wowapi kin he wowepi ota un uiyeskya ka hann, tokata tohni wicoia kin hena wanickte sni, Manitoba nakun ikce wicasta iap kin he wayawa tipi nakun waecon tipi awas iapi waunspe wicakiyapta awaeconpi. Okise kin ded woiyopte tohanya aib he oyakapi, Manitoba ikce wicasta iapi anpetu awas unpta owicakiyapta icicunzapi he ohdakapi nakun tokata Wiconi nihanh upte hena iap kin ded uwagya awicakcipatanpte.

Oyate kin hena tawacin wasagye wacinyauza nazinpi hece he oahde kin he he nakun okiciuwastepi kin he un wookihi. Kiktowawange num sum wikcemna num sum

topa/wikcemna num sum zaptan (2024/25) hehan, Manitoba wozani, wounspe, wowakpatanpi wowasake hena ikce wicasta owicakeyapi, okodakiciye ohna owicakiyapi. Ikce wicasta winyan, wikoske, winkta mawicaunpi, wicaktepi (MMIWG2S+) hetkiya nakun woohanye nina ota owicakeyapi, takusica ahpeyapi ta owicaedepi he nnakun wawokiyapi, nakun wazani, wounspe, tipi okinipi, waecompta hena owicakeyapi. Dena wokuwakin ikce wicasta tanyan unpta aowicakeyepi.

Wooyake kin de wokuwa woskan ota skanpi hema tukte ohna ikce wicasta ob tanyan wicakeya, ounihan ob okciuwastepta kuwapi okiwapi. Wookahnige, woohoda, wokuwa, woskan hena canku kahya Makokaspe tokata tuke ohna Manitoba Wanzidakta kuwapi. Kiciuwastepti kin he woawacin eceda sni nakum woeconkta he kuwapi.